

Artigu 236.^o
Perturbasaun ba aktu eleitorál
nia fiskalizasaun

1. Ema ne'ebé, oin naran ida, impede partidu ka forsa política konstituidu legalmente no konkorrante iha aktu eleitorál nia representante atu ezerse nia kompeténsia atu halo fiskalizasaun sei hetan pena prizaun too tinan 3 ka multa.

2. Tentativa foo-fatin ba punisaun.

Artigu 237.^o
Fraude iha votasaun

1. Ema ne'ebé vota maski nia laiha direitu atu vota ka vota fila fali maski nia vota tiha ona iha aktu eleitorál ne'e sei hetan pena prizaun too tinan 3 ka multa.

2. Ema ne'ebé husik doloamente ema ruma pratika faktu sira previstu iha número anteriór sei hetan pena hanesan ida ne'e.

3. Tentativa foo-fatin ba punisaun.

Artigu 238.^o
Fraude iha eskrutíniu

1. Ema ne'ebé, oin naran ida, falsifika votu nia kontajen iha aktu hodi apura ka publika rezultadu eleitorál sei hetan pena prizaun tinan 2 too tinan 6.

2. Sei hetan pena hanesan ida-ne'e ema ne'ebé, ho intensaun fraudulenta, substitui, destrui, supprime, viola, visia ka falseia boletín ba votu ka apuramentu ka dokumentu konaba eleisaun.

Artigu 239.^o
Rekuza ba kargu eleitorál

Ema ne'ebé, hetan tiha nomeasaun atu tu'ur iha assembleia ba votu nia meza no, injustifikadamente, lakohi asume ka abandona funsaun ne'e sei hetan pena prizaun too tinan 1 ka multa.

Artigu 240.^o
Violasaun ba segredu iha eskrutíniu

Ema ne'ebé iha aktu eleitorál ho eskrutíniu sekretu viola segredu tanba hola ka foo-sai koñesimentu konaba ema seluk vota ba iha ne'ebé sei hetan pena prizaun too tinan 1 ka multa.

Artigu 241.^o
Devér ba neutralidade ka imparcialidade

Funsionáriu sira administrasaun eleitorál nian ka sira ne'ebé viola devér neutralidade no imparcialidade nian, sei hetan kastigu ho pena prizaun to'o tinan 2 ka multa.

Artigu 242.^o
Agravasaun

Kuandu ema ne'ebé pratika krime ruma previstu iha kapitulu ida-ne'e dezempeña funsaun pública, nomeadamente iha governu, parlamentu nasional, ka forsa armada, hanesan majistradu judisiál ka iha Ministériu Públiku, iha forsa polisiál ka órgaun administrativu seluk, pena previstu iha tipu ida-idak sei sa'e ba dobru iha nia limite mínimo no máximo.



ELEISAUN & KRIME ELEITORAL

Comissão Nacional de Eleições nia kompetensia prinsipal ida maka oinsa asegura prosesu eleisaun lao tuir nian regras bazeia ba Konstitusaun RDTL, Lei Eleitoral, Regulamentu Eleitoral sira ne'ebé vigor.

Iha prosesu eleisaun wainhira mosu ka iha violasaun ba regras sira ne'ebé iha sei aplika sansaun hanesan mensiona iha KODIGU PENAL, KAPITULA IV hosi artigu 229.^o to'o 242.^o

KODIGU PENAL

Kapitulu IV - Krime Eleitoral

Artigu 229.º

Fraude kona-ba resenseamentu

1. Ema ne'ebé impede ema seluk, ne'ebé nia hatene iha direitu, atu rejista-án, hatama faktu ne'ebé nia hatene katak la loos, omite faktu ne'ebé nia tenke inskreve ka, ho meu naran ida, falsifika resenseamentu eleitoral sei hetan pena prizaun too tinan 3 ka multa.
2. Kuandu ajente uza violénsia ka provoka enganu astusiozu atu impede ema ruma inskreve-án sei aplika pena prizaun tinan 2 too tinan 6.
3. Tentativa foo-fatin ba punisaun.

Artigu 230.º

Impedimentu ba kandidatura

Ema ne'ebé, ho meu naran ida, impede ema seluk, partidu ka forsa política, ne'ebé nia hatene iha direitu, atu konkorre iha aktu eleitoral sei hetan pena prizaun tinan 2 too tinan 8.

Artigu 231.º

Kandidatu inelijivel

1. Ema ne'ebé apresenta nia kandidatura kuandu hatene katak nia la iha kapasidade atu hetan eleisaun sei hetan pena prizaun too tinan 1 ka multa.
2. Tentativa foo-fatin ba punisaun

Artigu 232.º

Falta iha kadernu Eleitoral

Ema ne'ebé, enkarregadu atu elabora kadernu eleitoral ka atu garante nia korresaun, la elabora ka la halo korresaun ne'e ka impede nia substitutu legál atu halo, hodi impede aktu eleitoral atu realiza, sei hetan pena prizaun too tinan 3 ka multa.

Artigu 233.º

Propaganda eleitoral ilisita

1. Ema ne'ebé uza meu ba propaganda ne'ebé lei proibe ka halo nafatin propaganda, kuandu prazu estalbelesidu liu tiha ona, ka halo propaganda iha fatin proibidu sei hetan pena prizaun too tinan 1 ka multa.
2. Ema ne'ebé impede ema seluk ezerse nia direitu atu halo propaganda eleitoral ka halo destruisaun ilejitima ba propaganda eleitoral sei hetan pena prizaun too tinan 2 ka multa.

Artigu 234.º

Obstrusaun ba liberdade atu hili

1. Ema ne'ebé ho violénsia, ameasa ho violénsia ka artifisiu fraudulentu halo obriga ema seluk, hasoru nia vontade, la vota ka vota ho sentidu determinadu ka sosa ka fa'an votu sei hetan pena prizaun too tinan 3 ka multa.
2. Sei aplika mós pena hanesan ida ne'e ba ema ne'ebé, enkarregadu atu ajuda ema invizuál ka ema ne'ebé iha direitu ba ajuda ne'e, la respeita votu nia sentidu ne'ebé foo-hatene hela ba nia.
3. Tentativa foo-fatin ba punisaun.

Artigu 235.º

Perturbasaun ba aktu eleitoral

1. Ema ne'ebé, ho meu naran ida, perturba assembleia ba votu nia funksionamentu sei hetan pena prizaun too tinan 1 ka multa.
2. Ajente sei hetan pena prizaun tinan 2 too tinan 6 kuandu nia halo perturbasaun ne'e:
 - a) Ho violénsia ka ameasa ho violénsia;
 - b) Ho tumultu ka ajuntamentu populasionál besik iha assembleia ba votu;
 - c) Ho korte intensionál ba enerjia elétrika;
 - d) Ho ema indispensavel ba aktu ne'e nia falta kuandu falta ne'e hamosu difikuldade boot ba aktu eleitoral atu hahú ka atu kontinua.
3. Sei aplika mós númeru anteriór sira nia dispozisaun ba ajente ne'ebé pratika faktu sira-ne'e kuandu, votasaun hotu tiha, halo daudaun apuramentu ba rezultadu.